



Aqqalu C. Jerimiassen

UKA 2022/125

Atassut

28. september 2022

**Uunga siunnersuut: Mittarfeqarfiit A/S pillugu Inatsisartut inatsisaat.**

(Ineqarnermut Attaveqaasersuutinullu Naalackersuisoq)

Alloriaatissanik siullernik nunatsinni suliffeqarfippassuit immikkuutaarlutik inissisimanerannit allannguutaasussamik naalackersuisut siunnerfeqalernerat isumassarsiatsialaavoq.

Allaffissornikkummi marloqiusumik ingerlatsiniartuartilluta, aningaasaqarnikkut imminut napatinneq qalliarturnannginnatsigu.

Una qulequtaq saqqummiunneqartoq aallarniutissaqqissuusinnaavoq, nunatsinni pisortat pigisaasa suliffeqarfiit assigiipajaartumik ingerlaqartuusut immikkut aggulunneqarsimasut, marloqiusamillu allaffissuutaasut unitsikkiartulerneqarsinnaanissaannik.

Kalaallit Airport Domestic-imit mittarfiliorneq naammassereersimalerpat, pissusissamisoortutut isigiinnarneqarsinnaassaaq, mittarfeqarfiit suliffeqartittut immikkoortutut inissisimajunnaarlugu makkiisumik KAIR Domestic-imut kattutitiinnarneqarsinnaajumaalernissaa, pisariaqanngimmammi suliffeqarfiit pingasut immikkut tamarmik siulersorneqarlutik ingerlanneqarnissaat.

Takinerusumik oqaaseqanngikkaluarluta, Atassummiit siunnersuut ilusaatut isuleqartillugu taperserparput.